

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU**

Broj: 65 0 St 1115998 24 St
Sarajevo, 12.05.2025. godine

Općinski sud u Sarajevu, stečajni sudija Zlatan Bilić, u stečajnom postupku nad imovinom stečajnog dužnika privrednog društva "LOLLIPOPS" društvo sa ograničenom odgovornošću Sarajevo, sa sjedištem u ul. Džavida Haverića br. 6, Sarajevo, izvan ročišta, dana 12.05.2025. godine, donosi sljedeće:

R J E Š E N J E

OTVARA SE stečajni postupak nad imovinom stečajnog dužnika dužnika privrednog društva "LOLLIPOPS" društvo sa ograničenom odgovornošću Sarajevo, sa sjedištem u ul. Džavida Haverića br. 6, Sarajevo, JIB: 4202765920007, MBS: 65-01-0273-20, koji se neće provoditi zbog nedostatka stečajne mase za pokriće troškova stečajnog postupka, pa se ovaj postupak stečaja odmah i ZAKLJUČUJE.

Za stečajnog upravnika se imenuje Siniša Lužaić iz Sarajeva.

Određuje se upis zabilježbe o otvaranju stečajnog postupka u sudskom registru Općinskog suda u Sarajevu u matičnom registarskom broju subjekta upisa broj: MBS: 65-01-0273-20.

Po pravomoćnosti, ovo Rješenje dostavit će se Odjeljenju Registra privrednih subjekata Općinskog suda u Sarajevu, radi brisanja stečajnog dužnika iz sudskog registra MBS: 65-01-0273-20

Troškovi stečajnog postupka padaju na teret stečajnog dužnika.

Ovo Rješenje će se objaviti u "Službenim novinama Federacije BiH", na oglasnoj ploči suda, web stranici suda-elektronskoj ploči suda i na internet stranici Financijsko-informatičke agencije.

O b r a z l o ž e n j e

Rješenjem ovoga suda broj gornji od 12.12.2024. godine pokrenut je prethodni postupak radi utvrđivanja uvjeta za otvaranje stečajnog postupka nad imovinom privrednog društva "LOLLIPOPS" društvo sa ograničenom odgovornošću Sarajevo, sa sjedištem u ul. Džavida Haverića br. 6, Sarajevo, JIB: 4202765920007, MBS: 65-01-0273-20, te je za privremenog stečajnog upravnika imenovan Siniša Lužaić iz Sarajeva. Isto Rješenje je objavljeno u Službenim

novinama Federacije BiH broj: 103/24 od 26.12.2024. godine i izvršeno je javno oglašavanje putem oglasne ploče suda.

U prethodnom postupku privremeni stečajni upravnik je dana 21.01.2025. godine dostavio Izvještaj u kojem je, pored ostalog, naveo da postoje zakonski razlozi za otvaranje stečajnog postupka nad privrednim društvom društva "LOLLIPOPS" društvo sa ograničenom odgovornošću Sarajevo, sa sjedištem u ul. Džavida Haverića br. 6, Sarajevo, ali da dužnik nema imovine koja bi činila stečajnu masu i ne bi bila dovoljna ni za pokriće troškova stečajnog postupka, a što je ponovio i na ročištu za ispitivanje uvjeta za otvaranje stečajnog postupka dana 13.02.2025. godine.

Cijeneći Izvještaj privremenog stečajnog upravnika, Javnim pozivom od 21.02.2025. godine koji pozvani su povjeritelji i zainteresirane osobe da u roku od 30 (trideset) dana od dana objavljivanja ovog poziva predlože otvaranje stečajnog postupka nad imovinom stečajnog dužnika "LOLLIPOPS" Društvo sa ograničenom odgovornošću Sarajevo, ul. Džavida Haverića br. 6, Sarajevo, uz uplatu predujma za osiguranje troškova stečajnog postupka u iznosu od 6.000,00 KM na depozitni račun ovog suda broj 1411965320009639 otvoren kod BBI Banke, uz upozorenje da ukoliko u ostavljenom roku niko od pozvanih ne predloži otvaranje stečajnog postupka i ne uplati određeni predujam, sud će donijeti rješenje o otvaranju i zaključenju stečajnog postupka, te da ako zainteresirane osobe predlože otvaranje stečajnog postupka i uplate određeni predujam u navedenom roku, sud će otvoriti stečajni postupak i voditi ga u skladu sa odredbama Zakona o stečaju.

Poziv je objavljen u Službenim novinama FBiH broj 16/25, strana 22 od 05.03.2025. godine i izvršeno je javno oglašavanje putem oglasne ploče suda i web stranice suda-elektronske ploče suda.

U ostavljenom roku, a ni do dana donošenja ovog rješenja nije dostavljen dokaz o uplati navedenog iznosa, niti je dostavljen podnesak kojim je neko od povjeritelja ili zainteresiranih osoba obavijestio sud da će uplatiti traženi iznos predujma.

Odredbom člana 115. Zakona o stečaju Federacije Bosne i Hercegovine ("Službene novine Federacije BiH", br.: 53/21) propisano da stečajni povjeritelji mogu svoja potraživanja prema stečajnom dužniku ostvarivati samo u stečajnom postupku.

Na osnovu Izvještaja privremenog stečajnog upravnika utvrđeno je da stečajni dužnik prekinuo poslovanje, da nema očekivanih prihoda iz poslovanja kojima bi platio nastale obaveze, da nije sposoban ni da se dodatno zaduži, uslijed čega je u nemogućnosti da plati obaveze po osnovu poreza i doprinosa, kao ni da izmiruje ostale kratkoročne i dugoročne obaveze. Stečajni upravnik je također dostavio isprave i u svom izvještaju naveo da stečajni dužnik nema imovine koja bi bila dostatna da se pokriju makar troškovi stečajnog postupka, pa se posljedično zaključuje da nema ni imovine koja bi ušla u stečajnu masu.

Po Javnom pozivu od 21.02.2025. godine niko od pozvanih/zainteresiranih osoba nije predložio otvaranje stečajnog postupka niti dostavio dokaz o uplati traženog predujma za pokriće troškova stečajnog postupka, pa obzirom da nema stečajne mase za pokriće troškova stečajnog postupka,

odnosno da se radi o nesolventnom društvu, niti je iskazana volja za predlaganje otvaranja stečajnog postupka a time ni predujmljivanje sredstava za pokriće troškova postupka, to sud nije ni provodio stečajni postupak, odnosno otvorio je i isti odmah zaključio, shodno odredbi člana 102. stavak 8. Zakona o stečaju.

Odluka o objavljivanju otvaranja i zaključenja stečajnog postupka donesena je na osnovu odredbi člana 102. stav 8. i člana 107. Zakona o stečaju.

Odluka o brisanju pravnog lica iz sudskog registra donesena je na osnovu odredbi članka 108. stavak 1. točka b). Zakona o stečaju.

Stečajni sudija
Zlatan Bilić

Pouka o pravnom lijeku: Protiv ovog rješenja dozvoljena je žalba. Žalba se podnosi Kantonalnom sudu u Sarajevu putem ovog suda u 3 (tri) primjerka, u roku od 8 dana po proteku 5 dana od objave rješenja u „Službenim novinama FBiH“.